

四明叢書

張宗祥



序

文有定品時之運使然而人不繫焉韓昌黎言追孟子
猶愧七篇賈大夫賦擬檀弓不離兩漢虎豹之姿不得
不炳金玉之相不得不炫江河之流惟順而觸山赴海
風蕩物激盡天下之變矣彼其棘詞稗說鏤冰雕脂蓋
無取焉明興兩浙之文如龍門郁離首闡玄旨不追琢
而章不溟渤而潤稱在茲矣百餘年學士之議反於弘
正劇於嘉靖呼阮晉宋卑六代而直追周秦兩漢論議
錫然或索之質菱乎唐宋之下譬之肖浮屠繪陸海而

不能正覺冥詮湮凝動狀時趨然也吾浙人文近代爲
盛而烱聲茂實寢寢名場若其雋發妙成早譽天下如
后岡子者風振泉流七子之備體敷瓊炳繡四傑之赴
節使躋焉齊足並馳自騁驥驟未悉其究惜也天嗇之
受卽微其精華可以表見於世不廢江河已焉哉已焉
哉后岡詩傳矣東沙張公並刻其文以序屬廷松方輟
翰燬研卻舍辟易其敢窺履門庭以穢弁珠璧然或以
爲蠅附萬里則未敢諉爾皇甫子循敘其詩公作傳載
其履歷備矣夫七子稱幹成言四傑惟烱終令若后岡

寧偉宗翰位華方臬撫其風節不忝吾浙先聞其視建
安盈川諸子殆未涼云皇明嘉靖丙午夏四月九日四
川按察司僉事趙廷松撰

序

吾鄞迴環巨海倚負名山靈氣所鍾代有作者若遞相傳刻美愛而傳則代不數人惟后岡先生集刻之西蜀刻之三吳傳播寓內讀其集者自謂手握隨和腹飽琳球猗歟盛矣余髫時輒以家藏寫本把玩不釋其詞微義奧人難諳解者則鉤玄纂要手注上方以便覽者攷鏡計偕北上攜至京邸偶爲同好者假去余恐蹈四愚之誚遂不之索然心未嘗忘也屬者濫竽南臺一日過訪大廷尉陳公譚及其事公卽出其家藏本示余余持

歸署中閱之視余本闕疏稿一首敘跋各一首而餘篇亦閒多魚豕余乃憶記其闕者手書補之而上方所註則閒書一二反覆獄究釐其點畫併張司馬所作傳令臺掾重錄一過畀之剞劂以與同好者共閱月而告竣焉夫先生謝世時年僅踰子淵位僅躋方臬曜靈弗假迅羽中摧可爲於邑然其集刻而敝敝而復刻則先生可稱不朽矣彼揚鴻漸之翼享黃髮之期而湮滅罔聞者視先生奚啻天壤哉九原可作當以余爲知言也萬曆辛卯歲夏四月望日同邑後學林可成書于上游公

署之仕優軒

陳后岡文集目錄

京集

贈王給事陞任山東僉事敘

來鴈論

爲顧中書作

芳洲贈言

爲御醫袁遷作

送成都陳同知序

廣聖意以光大禮疏

楚集

題永思言卷

燕峯序

贈孫氏兄弟授將仕佐郎序

辰州與田叔禾書

賀封君翟父虫峯先生母王夫人齊壽序

祭楚端王文

賀楚王受冊致語

祭侯中丞太夫人文

代翟中丞贈巡按湖湘監察御史沈侯還朝序

代翟中丞破賊賜金帛謝表

疑獄十二事序

代賀太子生辰

贈約齋劉公陞四川布政司右參政序

寄屠漸山書

湖廣鄉試錄序

代馮侍御祭廖母江太宜人文

乞休疏

賀田母劉太安人七十壽序

同年錄序

題方伯徐公得子唱和詩卷序

與霍尙書書

贈大參劉先生考績序

明故次妃田氏墓誌銘

閱視靖州碑文

蘇門集序

閩集

贈東沙張先生陞雲南按察使序

東橋先生山中集序

跋國寶新編後

洛集

詩集自序

陳后岡文集

明鄞 陳 束約之 著

同郡張時徹惟靜選次

後學林可成志父校疏

京集

贈王給事陞任山東僉事敘

夫學者砥志發憤究極閎奧然必考視履行明之于爲
孔子曰君子欲聽其言而觀其行文莫吾猶人也躬行
未之有得然則篤學在力行若斯之切也而拘學之士

或索隱抉微雕疑眇辯驚空說而論聖賢豈其爾乎且仲尼立教設詞以示七十弟子恂恂然爾雅愜實其於性命蓋罕言之也當時弟子具莫聞所謂性與天道者而其德行政業咸彬彬焉後世莫與幾也此豈迥何異教哉明興百七十餘載海內安樂薦紳先生相與論議道術鉤闡淵闕往往毛比繩引谷應棋出詳哉其言之也抒指通意總之不詭于大道然綜厥著施峻潔炳烜章章異者閒可指校其諸牽曲而寡適甚或炙輶以畔經是將安藉乎由此言之學者未始不有口行迺無徵

也夫三代尙已以余觀之漢吏治蓋烝烝焉後世儒者
迺謂其不學無術無可準道嚮使論議之儒與漢材比
氣量力効用當世豈可得同日論哉大都任質者誠以
蹈志明學者辯而詳說此其爲効不可睹邪是故君子
學道臨民亦在躬化謂何爾諄諄者蘄以道化厲民此
何異以聲音療楊索瓠解結矣同年王君倣儻魁梧疆
志鄉學有聲廊廟閒茲其奉天子憲命而共職于魯也
行將觀孔氏廟庭車服禮樂器數習詠絃誦雅誦之聲
揖進諸生以攷鏡遺風景行迪德以照莅其土而章之

政號是殆所謂蔚然虎變者大學何可勝道哉大學何可勝道哉

來鴈論

爲顧中書作

顧舍人宦居京師有鴈集于邸舍迫就不驚容止閒暇時有宗卿作而言曰休哉瑞應乎夫鴈負陰抱陽候時眠宿也此其背玄渚之岑寂集人寰之清澂殆以章瑞表應兆先舍人矣客問之以問陳先生曰斯言是耶非耶先生道爾笑曰然哉休哉休哉然哉抑猶未循厥本夫觀物測微揆類表應此璫士之思也非所以議於廊

廟之摹也宗卿之言過膚不乃甚眩乎客曰何爲其然也羽毛先氣迺自古而記之矧其耿特之禽婉儀斂翮引翮駢蹀邕邕肅肅似擾而馴殆漢氏之所爲協律豫神者也夫子其有遺聞耶先生曰烏謂此乎允若而言則是具物咸瑞而靈不眇見也烏謂此乎目夫鵠鷹鸞雉詭羈殊章今昔之所珍也虞人負罍倚機入林卽鹿則騃瞿蜚趺者眾矣虞人靡得以爲瑞也鰭鱗綺甲世之希也漁子掄九罫以游江河則舛類詭族噉嚼浮沒揚波迂纒者夥矣漁子靡得以爲瑞也夫物固有靈而